

# 1 Timoteo

*Kiwi oo icac hénia zéma mériaŋ ac.*

<sup>1</sup> Anjénj titi miŋina Anutu zéma niŋkumunina Kristo Yesuac zézé seli ac niŋac Kristo Yesuac Méliméli ic wawaŋa ni Paulonéŋ <sup>2</sup> ninzén ninzén qeriaiguc naŋ téngéŋna waŋec Timoteo guac muru kiwi yomi oma haiwa hazac. Anutu maŋgoc zéma Miŋ Kewunina Kristo Yesuac murunec ewa hia zéma wésé nininŋ zéma luaenénŋ guac muru hema kecmac.

*Pakeŋ ac ikorawac goro ac.*

<sup>3</sup> Ni Makedonia baeciguc keŋi nalé imuaru Efeso ama areŋa yandaiguc waima kecbésémaŋ niŋac zénaŋgé géŋi imi, gi ic embac tosara zéseli énécmína pakeŋ ac ikora tosara ménda ku énécmima <sup>4</sup> nemu suruc zéma hicŋisaiac qac areŋa imuhucyawac niŋkoro ménda wammuc niŋ imuhuc waŋi. Ac imuhucyanéŋ Anutuac ai areŋa ninzén ninzén qeriaiguc hezac imi ménda meselimac, néŋ néwécgeŋa zéen zéma mihicŋianzac. <sup>5</sup> Pakeŋ ac imuac héla imi goi héihéi imi mia, waŋu goi héihéi iminéŋ ewa qeri qala qala zéma niŋteŋic qinŋteŋic hiabia zéma ninzén ninzén solaŋa imuacnec hicŋihicŋiya. <sup>6</sup> Ic embac tosara ieneŋ imi sigima ac enomia imuaru qizizihgéma keŋanzu. <sup>7</sup> Ieneŋ héna acac kiwi ic wambiŋ zé waŋ énécmianzac, néŋ eŋaŋ ac me héipuc ac zéanzu imuac hénia acguc ménda niŋasarianzu.

<sup>8</sup> Wañu nini yomuhuc niñanziñ, ic embac méñnéñ méñ héna ac imi héna dindinacnec méndacmaciguc héna ac imi hiabia wanzac. <sup>9</sup> Héna ac imi ic solañã ionac niñac ménda hezac, néñ ic embac tosara yomuhucyawac hezac, héna ac logianzu, acqeçe wañanzu, Anutuac eeya ménda héianzu, késpedesic wañanzu, ménda météré amuma kecanzu, kaiziliweñ wañanzu, neñgoc hécgina me mañgoc hécgina unuhumuanzu, ic embac ionac kekecgina unuhumuanzu, <sup>10</sup> kaisero wañanzu, icnéñnec ic alayaguc me embacnéñnec embac alayaguc sero ai meanzu, ic embac iwawai ésécnec soukiwa niñac haianzu me meanzu, ikoc wañanzu, ikoc wamma héipuc ac zéanzu, zéma haka méñac méñ pakeñ ac dindinã imuac qacqotikicya wañanzu imuhucya. <sup>11</sup> Wañu pakeñ ac iminéñ mérian miñina Anutunéñ énézémañ niñac qutunğé néñec buña suruc hiabia edamuyaguc imuac mia méndaczac.

*Anutunéñ ewa hiawac Paulo  
goiya héiyec.*

<sup>12</sup> Nuac mia ai ic kenhéi hahéiya qahac zénémma ai buña qenéñec imuac niñac ni kuc mihicñi néñec Miñ Kewu Kristo Yesuwac ewa hia ac ézézua. <sup>13</sup> Ni becñec imi miñ kewu mema titi wammima ai ichéra ununesi wañ énécmima zébiri qébiri wammima kerí. Néñ ni ménda ninzénğéma hénia ménda niñasarima imuhuc wañi, imuac niñ inéñ kilen wésé niniñ wañ néñec. <sup>14</sup> Miñ Kewuninawac ewa hia imi ninzén ninzénñina zéma goi héihéi Kristo Yesuac qeriaiguc hezac imiguc momacñec qacnaiguc qocgénenju kuaya

qeqeya hezac. <sup>15</sup> Ic embac moczon yandanéñ añgéñ timuac séc ackuazéc yominéñ héla wanzac. Zéyecnéñ; Kristo Yesunéñ késpedesic ic añgéñgina tiénécmimanéñ zé baeciguc mayec. Wañu késpedesic ic ionac sugginaiguc neñ imi tosara onogicma ic biria wanzua. <sup>16</sup> Wañu Yesu Kristonéñ nalé horua késpedesicna bisiqatéñ wannéñec haka iminéñ biançuc Miñ Kewunina ninzénçéma kekec hémbénaña memu ionac muru séséc wammac niñac ni imuhuc wésé niniñ wañ néñec. <sup>17</sup> Ic kewu hémbénaña, ménda houhouya, kicninanéñ ménda héhéña, Anutu momacguc sac kekera, iwac muru ee héihéi zéma edamuyanéñ nalé tetcgia qahac hema kecmac. Hélañec!

<sup>18</sup> Naña Timoteo ni ac pakenéñ yominéñ zéseli génzua. Becnec kugéñi biançac ara imi méndacma ackuazéc iminéñ yaré ic ésécñec haka hiabiawac yaré qema kecbésémañ. <sup>19</sup> Ninzén ninzén zéma ewa kétinçkétinç késa kecbésémañ. Tosara enéñ ewa kétinçkétinç imi qetaligic qahac wañu ninzén ninzénçina imi kondunç zéic ésécñec zénçédarec. <sup>20</sup> Ic imuhucya ionac sugginaiguc Humeneo zéma Aleksande keçzaoc. Iri imi kitiwa mema zébiri qébiri ménda wammaoc niñac Biria miñinawac mériaiguc waiérecmiyi.

## 2

### *Zéwelec welecac hénia.*

<sup>1</sup> Imuac ac walac zéma zénañgé gémmanç zé wanzua imi yomuhuc; Ic embac moczon yanda ionac wamma zéwelec welec zéma zéqesiqesi zéma miñ suc wamma zé welec welec zéma

ewa hia ac wammima <sup>2</sup> ic kewuya kewuya zéma tatac eneṅa késa kekera moczoṅ ionac imuhuc wammu. Imi mia nini Anutu mepésima haka eeyaguc b́enzéṅ luaeiguc kecbiṅ niṅac. <sup>3</sup> Haka imi hiabia, waṅu aṅgéṅ titi miṅina Anutu ségiségi mihicṅi mimacac séc wanzac. <sup>4</sup> Anutu imi ic embac moczoṅ aṅgéṅgina tiyu keremma ackuazéc héla niṅasarimu niṅac waṅanzac. <sup>5</sup> Anutu imi momacguc sac keczac. Waṅu Anutu zéma ic embac sucninaiguc ic miṅ sucnina acguc momacguc keczac. Inéṅ mia hélacnec ic wamma baeciguc kerec Kristo Yesu mianéṅ. <sup>6</sup> Inéṅ ic embac moczoṅ neṅaṅ niṅac wamma eneṅa kekecyá mulu meme buṅawac hai nénécmiyec. Haka imi naléya niṅu heyec imuaru hicṅiyec. <sup>7</sup> Imuac mia ni ackuazéc zéauau ic zéma Yesuac Méliméli ic kumu néṅu, ac yomi hélac, ikoc qahac. Ninzéṅ ninzéṅ zéma ackuazéc héla imuac qeriaiguc ni baera baera ic embac ionac kiwi ic waṅi.

<sup>8</sup> Imuac niṅac ama séc ic eneṅ qeri biric qahac, zéqeqetali qahac, méragina téréya meemma zéwelec ai memu niṅac wanzua. <sup>9</sup> Waṅu imuhucyanec embac eneṅ acguc séwi usugina imi h́enaoriṅ kekecginawac sécyaiṅuc meamuma h́embéṅgina héima kecgic inicgic sécgémac. Néṅ oruc zucgina hiabianec mižicmižic zéma goli me hoc boṅa eneṅa zéma séwi usu boṅa eneṅa ménda haimu. <sup>10</sup> Waṅu haka hiabia wamma Anutu eeya h́eimimia séciguc kecanzu imuac h́eniagina mewininimu. <sup>11</sup> Embac ménéṅéṅ ménéṅ moczoṅnec niṅtoho wamma b́enzéṅnec niniṅ ai mema kuamumu. <sup>12</sup> Embac ménéṅéṅ pakeṅ ac

ic méñac ézémac me icya miñ mañgoc wañ mimacac niñac oaec ménda zémizua. Inéñ ara qaiyu kecmac. <sup>13</sup> Adam walac mihicñi mimaguc Ewa mihicñi miyec imuac mia imuhuc zézua. <sup>14</sup> Wañu Adamwac ikoc ménda wammiyec, néñ embacac ikoc wammiyu késpedes mihicñiyec. <sup>15</sup> Wañu embac eneñ séciguc kecma ninzén ninzén zéma goi héihéiiguc météré amuma kecma héri haima merac mihicñiyu añgén titi mihicñi mimia wammac.

### 3

#### *Qeria galeñ zéma méra baoc ic.*

<sup>1</sup> Ac yominéñ héla wanzac. Méñnéñ héngaleñ ai imuac ewayanéñ niñkumu wanzaciguc qerianéñ ai hiabiawac memañ zé niñanzac. <sup>2</sup> Imuac niñac héngaleñ icnéñ aciguc ménda opocopora wamma iniña momacgucac euya wammima qerinéñ séwiac siñ sigi kecma niñtegic qin̄tegyaguc haka eeyaguc wamma ic tosara onac goigina héima pakeñ ac hiabianec ku énécmima <sup>3</sup> doku seli sasala ménda nema biñ qeçeyawac ménda efima qeri bénzénac kecma zéqeçetali ménda wamma soukiwa hinac niñac hémbaoc ménda wamma kecmac. <sup>4</sup> Wañu inéñ eñeya iniñ merahéra hiabianec galeñgé énécmiyu nambérac héra ieneñ iwac eeya séciguc héimima niñtoho wammimuac hezac. <sup>5</sup> (Ic méñnéñ méñ eñeya iniñ merahéra hiabianec ménda galeñgé énécmima némaciguc Anutuac hénaoriñ hia galeñgé énécmimac?) <sup>6</sup> Ewa qeri melenuguc nalé ménda horugizac ic imuhucyanéñ galeñ ménda

kecmac. Séwi enen wañu Biria miñina zétecgé miyec gésigési ac imuhucyawac mihicñiwac niñac. <sup>7</sup> Sénganjen ic ienen acguc nimmigic sécgéanzac ic imuhucyanen hénhalen ai ic kecmac. Qahac wañu zébiri qébiri zéma Biria miñinawac bétaciguc hiñgacma héiwac niñac.

<sup>8</sup> Méra baoc ic acguc imuhucyanec eeginaguc kecma ezelañina kalé kalé ménda kecma doku seli sasala nezélélén ménda wamma ikoc wamma soukiwa memañ zé hémbaoc ménda wamma <sup>9</sup> Ewa kétin kétin qala qalagia zéma ninzén ninzénja ewa qeriaiguc téngéyu heheya imuhucya kesa kecmacac hezac. <sup>10</sup> Wañu walac ala batuc wañ énécmima inicgic héniañina solañ qeque wañu méra baoc ai ic onopocgic welen qeénécmimu. <sup>11</sup> Iniñhécgina imuhucyanec eeginaguc kecma zébiri qébiri ménda wamma qerinen séwiac siñ sigi kecma ai hénia hénia kuñqañ qahac wandacmu. <sup>12</sup> Méra baoc ai icnéñ embac momacgucac euya wamma nambérac héra zéma ama tacyachéra hiabianec galeñgé énécmimac. <sup>13</sup> Méra baoc ai hiabianec wandacgic ienen nanañina hiabia mihicñima ninzén ninzénñina Yesuac wamma kesa keczu imi zénén hirihiri qahac zéau énécmimu.

*Buñ suruc hiabia imuac  
hénia saña.*

<sup>14</sup> Ni guaru foc hamañ zé ninzua, néñ kilen kiwi yomi ogénzua. <sup>15</sup> Kecba nalé horugiyu geñ Anutuac amaiguc haka dimuhuc wambésémañ imi niñ asariwésémañ niñac ac yomi zézua. Ama imi Anutu kic qeli kekera iwac héihéré énécmimia

zéma ac hélawac tandéya zéma qambaña wanzac. <sup>16</sup> Héna téréya yomuac hénia sasangia imi qeyu hiñgac hiñgara wanzac. Imuac ewa éréhéc ménda wanzua. I imi séwiiguc hicñitegirec. Wañu Uña téréyanéñ hénia solaña imi zéhicñiyu kua meme uña eneñ héñgic. Wañu baera baera zésaigic ic enia eneñ ninzégé migic. Wañu meyacmiyu ou emma eebipiyaguc kecanzac.

## 4

### *Kiwi ic ikora.*

<sup>1</sup> Wañu uña téréyanéñ yomuhuc pitiri zéasariyec; Bianguc tosara eneñ ninzén ninzén imi waimu. Wañu uña biria ionac ikoc ac zéma kuwi ionac pakeñ ac méndacmu. <sup>2</sup> Pakeñ ac imuhucya imi kiciguc weleñ qeque ic ewa kétéñ kétéñgina gericnéñ oqeyu ikoc ac wañanzu ionac murunec haanzac. <sup>3</sup> Ieneñ imi ic me embac ménda mema qapé kecmu. Wañu nene imuhucya imuhucya ménda nema imuac sigi kecmu. Néñ nene imi Anutunéñ ninzén ninzén ic zéma ac héla ninzu eneñ ewa hia nimma mema nemu niñac zéyu hicñidarec. <sup>4</sup> Iwawai Anutunéñ zéyu hicñiyec imi moczoñ hiabia. Imuac niñac ewa hia ézéma késanec wañanzñiguc méñac méñ qegetaliya ménda hezac. <sup>5</sup> Anutuac ackuazéc zéma zéwelecninanéñ météré mimia wanzac imuac niñac imuhuc zézua.✧

<sup>6</sup> Geñ ac iminéñ dacmuna hécnina measari énécmima Kristo Yesuac ai ic hiabia wambésémañ. Wañu geñ méndacanzañ ninzén

✧ 4:5: Mat 15:11, Mrk 7:18,19, 1Ko 10:31

ninzéñac ackuazéc héla zéma pakenj ac hiabia iminéñ qeri unjaga meyandi wanjémmac. <sup>7</sup> Héré embac neñgiawac ac eñomia zéma nemu suruc imi andé qema Anutu eeya héimima kecmanj zé meefiefi ai mewésémañ. <sup>8</sup> Séwiac meefiefi ai imi komodia nanjé gémmac, néñ Anutu eeya héimima kekec iminéñ wawanj memega sasala nanjégéñju kekecga deguc keczanj imuac qeriaiguc zéma kekec hémbénañaga bianjuc hahaya imuac qeriaiguc momacnec sisipac acwac buñja hegémmac. <sup>9</sup> Ac imi hélacnec wanju momac yanda nimma késa kekerawac séc eeyaguc wanzac. <sup>10</sup> Wanju neñañ Anutu, kicqeli kekera, iwac muru niñkumunina haini hezac imuac niñac héla imuac mia neñañ kucnina moczoñnec ai meanziñ. Wanju inéñ momac yanda neñañ añgénéñ titi miñina keczac, néñ ninzéñ ninzéñ ic neñañ imi muñguc yanda meemma añgénéñina tianzac.

<sup>11</sup> Ac yomi zéseli énécmima ku énécmima. <sup>12</sup> Gi sac qeli keczanj imuac niñac méñnéñ ménj guac niñgic mamaya wambac niñac. Imuac galenjé amuma guac ac zéma wawanj meme zéma ninzéñ ninzéñga zéma niñkumuga solañaguc ninzéñ ninzéñ ic tosara ionac kicginaiguc séséc hiabia wambésémañ. <sup>13</sup> Ewa qeriga moczoñnec ackuazéc oloñ énécmima zénañgé énécmima ku énécmima kecnanec ni hamañ. <sup>14</sup> Qeria galenj ienenj Unja téréyawac murunec ac zéhicñima méragina orucgaiguc haima mériañ ac zégic imuac héla ewa hiawac géñgéña iminéñ sohowac niñac, imuac niñna mamaya ménda wammac. <sup>15</sup> Wanju ai hénia hénia imuhucyaiguc



ewa qeriga zéma kucga moczoñec ai mena yandima keñu héndacmu. <sup>16</sup> Gi geñga zéma pakenj aigawac hiabianec galeñgéma zéñgé toroya qahac imuhuc wammanec kecbésémañ. Imuhuc wambésémañiguc, gi añgérj titi geñga mihicñi amuma ic embac ackuažéc imuac gezac qema niñanzu ionac momacnec mihicñi énécmiwésémañ.

## 5

### *Welenj qeqe ai imuac ai ara.*

<sup>1</sup> Ic neñgia ac geriwaguc ménda wammiwésémañ, néñ niñna mañgocga ésécnec wañu bénzénec zénañgé wañ miwésémañ. Merac sac qeli ménac imi munaga ésécnec qacguc wammiwésémañ. <sup>2</sup> Wañu embac yanda imi neñgocgawac séciguc, embac sac qeli imi nauñgawac séciguc nimma inichaoc ménda wamma qeri solañanec wañ énécmiwésémañ.

<sup>3</sup> Wañu embac malé téngénj imuac eegina héiwésémañ. <sup>4</sup> Embac malé ménj nambérac me esahéra kecmizuiguc énézégic ienerj walac neñgoc mañgocgina zéma awu asagina ionac goi héihéi imuac tasé ku énécmima amginaiguc sactasé hécgina goigina héima haka imuhucya niñarenj wammu. Haka imuhucyanéñ Anutu ségiségi mihicñi mianzac. <sup>5</sup> Embac malé héla imi eñeyanec sukusisi wamma kecanzaciguc Anutuaru niñkumu kumuya haima siñi kaiwe séc zéñgé toroya qahac zéwelec ai memac. <sup>6</sup> Embac malé ménj séwiac siña sac méndacma wañanzaciguc i imi qeliqeli néñ humumia

tanec keczac. <sup>7</sup> Ac imi acguc énézéna tohoma kecmu, eñ imuhucyanec kecma ac mihicñiwu niñac. <sup>8</sup> Méñnéñ méñ sactasé héra me imuacnec toroqema iniñ merachéra ménda inicgaleñ wammaciguc ic imi ninzéhñ ninzéhñ andé qema ic enia onogicma ic biria keczac. <sup>9</sup> Embac malé ic momacguc sac mema kerecac deguc 60 bawaiguc ménda keczac imuhucyawac sac, qara newahaleñ wawañawac kiwiiguc haimimiawac hezac. <sup>10</sup> Wañu nambérac héra hiabianec galeñgé énécmianzac me ic kian goigina héianzac me ai ic téréya welen qeénécmianzac me helanzi énécmigic yéwéri ginaguc kecanzu ionac méra énécmima haka hiabia hénia hénia wamma memañ niñac kekecyá qutuñgé amuma keru héipuc wamma héñanžuiguc imuhuc wammimu. <sup>11</sup> Embac malé sac qeli imi qetali énécmima kiwi imuaru qacgina ménda omu. Imuhucya imi séwíac siñnéñ héré énécmiyu Kristo andé gemu nalé imuaru ic mewinac zé wammu. <sup>12</sup> Imuhuc wamma ninzéhñ ninzéhñ walac késagic imi timbecgéma gésigési acac buña wanzu. <sup>13</sup> Imuacnec toroqema ieneñ qéizéhñ wamma kecma mézétiti haka imi niñareñgéma añgétima ama areñ séc lelecgéma embac eñomia kecma ac nenesicya lisi sicsaoc olomma kemma ac ménda zézéyawac séc zéanzu. <sup>14</sup> Imuac embac qawéc sacqeli ionac imi yomuhuc wammu niñac wanzua. Ieneñ ic muñguc mema nambérac mihicñi énécmima eñeya amaya galeñgéma kecgic hazéc miñina zébiri qébiri ac wañ nénécmimañ zé titiña méñ ménda mihicñimac. <sup>15</sup> Embac qawéc tosara ieneñ bec Biria miñina méndacbiñ zéma

lilingéma kenjic. <sup>16</sup> Ninzén ninzén ic méñac sac taséhéra sucginaiguc embac malé méñ keczaciguc ninzén ninzén ic eñeyaoc embac imi galeñgé miyu hénariñ qutulañginanén yéwéri imi ménda bisima embac qawéc maqeqeya imi ionac méra énécmiuac séc wammac.

<sup>17</sup> Galeñ tosara hiabianec galeñgé énécmianzu ionac imi séc méñ eegina héi énécmima imuacnec buña suruc hiabia imuac zézé ic zéma kiwi ic ionac imi ogicma eegina héimu. <sup>18</sup> Kiwi téréyaiguc yomuhuc zézéya, burumakao iwa méñnéñ padi gocmia tizizama séwéla qétiyu kuayaiguc uñic ménda haiwésémañ. Imuac niñac ai icnéñ ai boña memacac hezac. <sup>19</sup> Galeñ méñac ara imi héipuc ic éréhéc me haréwéc qahac wañu ménda nimmima aciguc ménda opocmu. <sup>20</sup> Ic embac késpedes mihicñianzu imi ic embac momac yanda ionac kicginaiguc zémindiñi énécmigic tosia eneñ haka imi hémma nimma bac yandi yandi wammu. <sup>21</sup> Ni pakeñ ac imi kenkésa hakésaya qahac mema geñga ewaga ménda méndacma dindiñanec tohowésémañ niñac Anutu zéma Yesu Kristo iwac kiwaiguc zéma kua meme uña énépésiyu keczu ionac kicginaiguc zéseli géñzua. <sup>22</sup> Gi buña suruc hiabia imuac ai énécmimanñ zé ic eñomia focdac méraga ménda hai énécmiwésémañ. Wañu ic tosara késpedes wañgic ménda toroqe énécmiwésémañ. Wañu geñga météré amuma solañanec kecbésémañ. <sup>23</sup> Gi hafi zepa toroqeu toroqeunec wañanzañ imuac niñ tomeñgawac doku sac ménda nema waiñ doku efefiadac momacnec newésémañ.

<sup>24</sup> Képésic tosara imi ic ionac wéséginaiguc winiñu hicñi tegiru bénzéhñec hémma niñgésianziñ, néñ kápésic tosara imi andéginaiguc méndacma haanzac. <sup>25</sup> Imuhucyanec haka hiabia acguc winiñu hicñianzac. Wañu tosara hiabia qahac imi acguc musañgémuac séc qahac.

## 6

<sup>1</sup> Welen qeçe ic miñhécgina ionac méra bawu keczu imi, ionac miñhécgina nalé séc ee héihéi wañ énécmimuac hezac imi nimma kecmu. Anutuac qac buña zéma pakenñ acyawac zébiri qébiri hicñiwac niñac. <sup>2</sup> Niñzéhñ niñzéhñ miñhéc ginaguc keczu imi eneñ niñzéhñ niñzéhñ dacmuna kecziñ zéma ionac niñgic mamaya ménda wammac, néñ énézéna ogicma welen qeçe hiabianec wañ énécmimu. Imi mia aigina imuac héla imi niñzéhñ niñzéhñ ic, Anutuac siñniñ wañ énécmimia ieneñ eñaoc késamu imuac mia imuhuc zézua. Gi imi héna yomi ku énécmima zénañgé énécmiwésémañ.

### *Sokiwawac ninñ siñsiñ.*

<sup>3</sup> Ménéhñ mén pakenñ ac mén ku énécmima Miñ Kewunina Yesu Kristoac ackuazéc solañu zéma héna eeyaguc imuac pakenñ ac Anutunéhñ niñu sécgéanzac imuhucyawac ewa momac ménda wammac imi, <sup>4</sup> Inéhñ séwi eñeñ wamma héna mén ménda niñ asarima hazéc ac zéma zé qeçetali acwac nimbaoc wañanzac. Wañu imuacnec mia nimbupuc zéma euqaqac zéma zébiri qébiri zéma ewa éréhéc biria hicñianzac. <sup>5</sup> Wañu ewa qerigina houyu ac héla sohouyu héna eeyaguc imuac niñgic sokiwa memec héna tanec wañanzac imi ionac

murunec zéqegetali ac hicñianzac. <sup>6</sup> Wañu niñgic ewagina hiaruyu héna eeyaguc iminéñ kuney yanda nañgé énécmimac. <sup>7</sup> Neñañ baeciguc iwawainina méñ ménda mema hayiñ, imuac kembiñ zéma imuhucyanec méra eñnec kembiñ. <sup>8</sup> Imuac iwawai neneya zéma séwi usunina he nénécmizaciguc niñni sécgémac. <sup>9</sup> Hinac yandaguc wambiñ zé wanzu imi eney manam batuc zéma bétac zéma haka sicsaocya hénia hénia zéma séwi siñ biriaiguc maunumac. Haka imuhucya iminéñ ic embac héré énécmima mebiri énécmimac. <sup>10</sup> Soukiwa niñac siñniñ wammimia imi haka biria hénia héniawac zalia wanzac. Imuac niñac imuac wañanzu i mesoho énécmiyu ienenñ ninzéhñ ninzéhñgina waima rouc wamma keñha wañgic ewa gorogina sasalanéhñ qeriginaiguc kumuyu biridaczu.

*Paulonéhñ Timoteoac pakenñ ac wammiyec.*

<sup>11</sup> Imuac Anutuac ic gi iwawai imuhucyawac néñgacma kemma haka solaña zéma wawañ meme eeyaguc zéma ninzéhñ ninzéhñ zéma goi héihéi zéma bisiqatéhñ zéma qeri bénzéhñ imuhucyawac méndacma kembésémañ. <sup>12</sup> Imuac gi imi ninzéhñ ninzéhñac yaré hiabia imuac qema kecbésémañ. Yaré hiabia qema kecec hémbénaña añgéhñ tiwésémañ. Hénia imuac mia gi guruyu héipuc ic sasala ionac kicginaiguc ninzéhñ ninzéhñga hiabia énézénec. <sup>13</sup> Iwawai momac yanda kecec mihicñi énécmianzac Anutu iwac kiwaiguc zéma Pilatoac muru ninzéhñ ninzéhñ ac hiabia zéau énécmiyec Yesu Kristo iwac kiwaiguc zéseli génzua. <sup>14</sup> Gi zézé seli ac

yomi nin tohoma solañanec zéqindiñi ac mén ménda mihicñima kecnanec Miñ Kewunina Yesu Kristonéñ wininimac. <sup>15</sup> Nalé zéyec imi ducñiyu Anutunéñ mewininiyu Yesu i wininimac. Anutu imi mériañ miñina eñeyanec momacguc, héngaleñ miñina, ic kewu ionac ic kewugina, miñ kewu ionac miñ kewugina wanzac. <sup>16</sup> Iwarunec sac humuc ménda hezac. Inéñ edamuya hosucgéwiñac séc qahac imuhucya qeriaiguc keczac. Wañu méñnéñ mén ménda héñec. Wañu héhéñawac séc qahac. Iwac muru eebipiya zéma kuc tetecgia qahac hema kecmac. Hélañec!

<sup>17</sup> Gi imi baec yomuac naléiguc soukiwaginaguc keczu ionac yomuhuc zéseli énécmiwésémañ, Ewa qerigina memaamuma hinac qahac wawaña imuac qahac, néñ ségiségi mihicñi nénécmiñañ zé iwawai moczoñ sécnina ogicma nénécmianzac Anutu iwac muru mia niñkumugina haimu.

<sup>18</sup> Haka hiabia sasala wañgic, wawañ meme hiabianéñ kekecginaiguc sécgé énécmiyu efima siña nimma tosara haleñ sécgina haihulac wañ énécmimu. <sup>19</sup> Imuhuc wamma hofi ama hélaiguc iwawai eeyaguc haigic eñu iminéñ kurumeñac nalé hahaya imuaru qambañgina wañu kekec héla añgénéñ timu.

<sup>20</sup> O Timoteo qutungé géñgéña imi galeñgéma késa kecma ninñ héla zéanzu, néñ ninñ ikora wanzac, baecac ac eñomia houhouya zéma andé qeçe ac imuac mia andé qema kecbésémañ. <sup>21</sup> Ic tosanéñ ac imuhucya nesima kemma ninzén ninzén waima rouc wamma keñha wañanzu.

Ewa hianéñ iniguc hema kecmac.

**SISIPAC AC QJELIA**  
**The New Testament and Psalms in the Kube Language**  
**of Papua New Guinea**  
**Buk Song na Nupela Testamen long tokples Kube long**  
**Niugini**

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

---

PDF generated using Haiola and XeLaTeX on 11 Nov 2022 from source files dated 9 Oct 2020

0403b50f-078d-52e2-a203-056e8a430665